

Тезд урданай мэдээжэ ударидагшад ай дурасхаалые ёһолон хүндэлхэе үлүү үнэтэй сэнтэй юун байхаб даа. Тэднэй дурасхаалые мүнхэлхэ, хэнэн хэрэгые нангинаар сахижа ябах а ёһотойбди. Юрын гайхамшагта хүтэлбэрилэгшэ байһан Цырендондок Семёнович Семёнович дурасхаалда иимэ ехэ хэмжээ ябуулга үнгэргэжэ байһан Мухар-Шэбэрэй аймаг ударидагшадта, хушуун-үзүүрэйхидтэ, Цырендондок Семёновичой



# БҮТЭЭСЭТЭ АЖАЛ БЭЕЫН ТАМИРҢАА ЭХИТЭЙ

Республикын хүдөө ажахын хүтэлбэрилэгшэдэй, мэргэжэлтэдэй спартакиада

## БАЯРАЙ ОРШОН БАЙДАЛДА

ДҮШӨӨД ЖЭЛЭЙ туршада хүдөө ажахын үйлдбэрийн асар бэрхэ, урагшаа нааатай, зондоо хүндэтэй хүтэлбэрилэгшэ, эмхидхэлшэ байһан Цырендондок Семёнович Семёнович дурасхаалда шулуудажа, хаяхан Мухар-Шэбэрэй аймагай "Знамя Ленина" колхозой түб бууса—Хушуун-Үзүүр тосхондо үзгэргэдхэн Буряад ороной хүдөө ажахын хүтэлбэрилэгшэд болон мэргэжэлтэдэй нэгэдхи конференци-спартакиадаһаа түрүүлшын хуби тухай урдахи репортаж соогоо уншагшадтаа өөрөө һэмди. Тийн мүнөө спартакиадын мурьсөөнүүд үзгэ мэдээсэхэмнай.

Хүлөөнэй 10 сэг. Хүдөөгэй ажалшад ай хуралдаанда хабдаахаяа республикыгаа 14 аймагаһаа эндэ сугларһан наадануудай гэшүүд нотагтай үлдэ захата элэ татан жагсаба. Мундэрэй аялга хүгжэм эздэлнэ. Спортын тугууд һэбшээ халхинда далбан намилзана. Парадые командалагша—райспорт комитедэй түрүүлэгшэ, дүрэ буялдалгын нааданагаар спортын мастер Виктор Дашибальжировай эхидхэлшэ хүүлээр 1990 ондо хүдөөгэй спортын наадануудта байһан Зэдын аймагай ажахынуудай нэгэнэй түрүүлэгшэ Владимир Сандипов мурьсөөнэй туг үргэбэ.

Эмхидхэлэй хорооной түрүүлэгшэ, республикын хүдөө ажахын ба эдеэ хоолой министр М. Шевченко үгэ хэлэхэдэ, Зэдын жэлэй үнгэрһэнэй хүүлээр хүдөөгэй ажалшад ай конференци-спартакиадын хайнаа һэргээгдэжэ байһаниинь һайшаалтай гэжэ болсон тэмдэглэе. Энэ ушар мурьсөө үедэ эгээл хүндэ байдалда байһан хүдөө ажахын хүтэлбэрилэгшэ нэрэ хүндые түрүүлхэ, алдар сольень хабдаха арга олгохо байна.



үхибүүдтэ, аша зээнэртэ ехэ баяр баясхалан хүргэнэбди гэжэ Анатолий Михайлович үгээ түгэсхөө.

Республикын Залуушуулай хэрэгүүдэй, аяншалгын физкультура ба спортын талаар гүрэнэй хорооной түрүүлэгшэ С. В. Мантуров үгэ абаханда, саашадаа хүдөө ажахын түрүүлшүүл, хүтэлбэрилэгшэд, мэргэжэлтэд ходо ходо уулзажа, хөөрөлдэжэ, спортын талмайнууд дээрэ мурьсэжэ байг лэ гэжэ үрээбэ.

Удаань Мухар-Шэбэрэй аймагай өһөдэн хүтэлбэрийн захиргаанай гулваагай орлогшо В. Ф. Викулов эндэртэ гарахада, элдэб нотагуудһаа бууһан айлшадаа халуунаар амаршалаад, үлгэн хайхан манай газар дээрэ танилсажа, олон нүхэдтэй боложо, ухаан бодолоо баяжуулаад, урма зоригбо бадараагаад, шадал тэнхээгээ нэмээгээд бусахыетнай хүсэхэ байнабди гэжэ мэдүүлэе.

Буряад Республикын Арадай Хуралай Социальна хамгаалгын политикын талаар хорооной түрүүлэгшын орлогшо А. С. Широв эндэ ерэнэн парламентын гэшүүдэй зүгһөө үгэ хэлэбэ.

Тийгэһээр спартакиадын програмада оруулагдһан спортын дүрбэн зүйлөөр—волейболоор, столой теннисээр,

шатарар, бүхэ барилдаагаар мурьсөөн эхилжэ, сугларашадые бахархууһан, баясууһан байха юм.

## ВОЛЕЙБОЛОЙ ТАЛМАЙ ДЭЭРЭ

СПОРТЫН энэ зүйлые хүдөө нотагуудта үргэнөөр хүгжөөхэ арга бии гээшэ. Ушар иимэхэ аймаг бүхэн яһала һайн хорилго бэлдэхэлтэй команда табиба. Эгээн түрүүлэн хүршэ оршодог Зэдэ болон Захааминай аймагуудай волейболистнууд талмай дээрэ гаража наадаа. Түрүүлшын партида Захааминай спортсменүүд 15:8 тоотойгоор шүүжэрхөө. Удаадахи партия тэнсүү шанга тэмсэдэ үнгэрбэ. Нааданай тоо 14:12, 14:13, 14:14 болоно. Энэ үедэ Зэдын аймагай командын гэшүүдэй бүхы арга хургаа элсүүлжэ шадангүй, 14:16 тоотойгоор булигдахадань, нааданай тоо 2:0 болобо.

Волейболоор команда бүхэн 4 эршүүл болон 2 эхэнэрхэ бүридүүлэгдэхэн байгаа. Саашадаа һагшагда һагшагдаһаар, Түнхэнэй, Бэшүүрэй аймагай Шэбэртын, Мухар-Шэбэрэй аймагай Сагаан-Нуурай, Ахын ба Түнхэнэй аймагуудай команданууд түгэсхэлэй мурьсөөндэ гараба. Ахын волейболистнууд шэбэртыхидые—2:0, Сагаан-Нуурай түлөөлгшэд Түнхэнэй командые мүн лэ иимэ тоотойгоор илаа. Нүүлшын уулзалгада Сагаан-Нуурай спортсменүүд аяр холоһоо ерэнэн Ахын аймагай хүдөө ажахын мэргэжэлтэдые 2:0 тоотойгоор шүүжэ, спартакиадын чемпионууд болоод, мүнгэн шангуудта хүртэбэ. Түнхэнэй команда гурбадахи нуури эзэлэе.

## "БАГА РАКЕТКЫН" ЭЗЭД

ХҮДӨӨ НЮТАГТА столой теннис тиймэшье үргэнөөр хүгжөөгдэнхэй бэшэ ааб даа. Ушар иимэхэ теннисистнүүдэй наадан жэгдэ бэшэ байгаа гээд абаһаар лэ тэмдэглэлтэй. Тийгэшье һаа, түгэсхэлэй уулзалганууд яһала тэнсүү шанга тэмсэдэ үнгэрбэ. Ивалгын, Сэлэнгын болон Мухар-Шэбэрэй аймагуудай "бага ракеткын" эзэд түгэсхэлэй нааданда гараһан байха юм.

Мухар-Шэбэрэй аймагые түлөөлһэн Хушуун-Үзүүрэй команда (фермер Виктор Дамбаев, колхозой гэшүүн Нина Гомбожапова) бүхы уулзалгануудта илалта туйлажа, үнэтэ бэлэгүүдээр шагнагдаба. Ивалгын аймагай "Гильбэрэ" кооперативай ветеринарна врач Мүнхэ-Жаргал Пурбуев, бухгалтер Сэсэгмаа Самбуева гэгшэд—хоёрдохи, Сэлэнгын аймагай теннисистнүүд Владимир

Ахамажатов, Галина Дашиева гэгшэд гурбадахи нууринуудта гараа.

## ШАТАР НААДАН ХҮНДЭТЭЙ

ЭРТЭ УРДЫН энэ наадан хаа хаанагүй хүндэтэй байна. Тийн 16 шатаршан мурьсөөндэ хабаадаба. Эдэнэр швейцарска гуримаар 7 тур наадан байгаа. Зэдын аймагай шатаршан Лубсан-Еши Цыренов 7-һоо 6 очко абажа, түрүү нуури эзэлэе.

Түнхэнэй аймагай суглуулагдамал командын гэшүүн Баатар Тонтоев илагшаһаа 1 очкооор гартаба. Гурбадахи нуурида гарахын түлөө илангаа шанга тэмсэл болоо. Ушарын гэхэдэ, Гарма Самбуев (Захаамин), Владимир Лубсанов (Баргажан), Бата Бадмаев (Ярууна) гэгшэд гурбуулаа тус тустаа 4,5 очко абаһан байгаа. Нааданай коэффициентээр хаража үзэхэдэ, Г. Самбуев гурбадахи шатын дипломоор шагнагдаһан байха юм. В. Лубсанов, Б. Бадмаев, Е. Клоков (Прибайкали) гэгшэд эрхим зургаанай тоодо оробо.

## НААДАНАЙ ГОЛ ЗҮЙЛ

БҮХЭ БАРИЛДААН хадаа хүдөөгэй мэргэжэлтэдэй наадануудай гол зүйл болобо. Хэр угһаа хойшо буряад арадай бүхэ барилдаан эрын гурбан нааданай тоодо оруулагдажа, ходоодоо зоной анхарал татадаг, һонирхол үүсэхэдэ гээшэ. 17 барилдаашан шэгнүүрэй илгаагүйгөөр хабаяа туршаба. Дүхэригһөө дүхэригтэ һагшагда һагшагдаһаар, эгээл гаһар хүсэтэй, гоё хайхан арга дүрэтэй дүрбэн барилдаашан түгэсхэлэй нааданда гараа һэн. Эдэмнай хэд бэ гэхэдэ, Николай Урбаев (Аха), Юрий Эрдыеев (Хори), Анатолий Раднаев


(Мухар-Шэбэр), Виктор Доржиев (Түнхэн) гэгшэд болоно. Бэээр багшагыһе һаа, шамбай солбон Н. Урбаев А. Раднаевтай барилдаханда, бар хүсөөрөө булигдашоо. Эрдыеевые илаһан Доржиев һүүлшын уулзалгада Раднаевтай хабаяа туршахадаа, булижа гарахые һэдэбэшье, нүгөөдынгөө арга дүрэдэ абтажа, диилдэшэһэн байна. Тийгэжэ Сагаан-Нуурһаа ерэнэн Анатолий Раднаев спартакиадын чемпион боложо, Түгнын талын хурдан хүлэг морёор шагнагдаа. В. Доржиев хоёрдохи, Н. Урбаев гурбадахи нууринуудта гараба.

Мурьсөөнэй дүнгүүдые гаргаханда, Ахын аймагай түлөөлгшэ түрүү нуури эзэлбэ. Түнхэнэй болон Захааминай аймагуудай команданууд удаадахи нууринуудта гараһан байха юм. Зүгөөр спартакиадын судейскэ коллегийн иимэ шийдхэбэри хангалтагүй буруугаар гаргагдаа гэжэ һанагдана.

Энэ жэлдэ хүдөө ажахын хүтэлбэрилэгшэд болон мэргэжэлтэдэй конференци-спартакиада һайнаар үнгэргэдөө. Аймагай өһөдэн хүтэлбэрийн захиргаан (гулваагай орлогшо В. Ф. Викулов), физкультура ба спортын комитет (түрүүлэгшэнь Б. Д. Дашибальжиров), "Знамя Ленина" колхоз (түрүүлэгшэнь Н. Г. Цырендашиев), "Бар" гэжэ таргашанай ажахынуудай нэгэдэл (түрүүлэгшэнь М. В. Рютин), Суулгын совхоз (директорынь В. А. Цыренов), Хушуун-Үзүүрэй хүдөөгэй багшалаалгын комплекс (директорынь С. Г. Цыдыпов), Түгнын нүүрһэнэй уурхай (начальнигынь В. П. Битугев) болон бусад ажахынууд, эмхи зургаанууд энэ талаар ехэ туһа хүргэһэн байна.

Ерэхэ жэлдэ хүдөө ажахын хүтэлбэрилэгшэд болон мэргэжэлтэдэй конференци-спартакиада ажахын ба засагай зургаануудай элитэ мэдээжэ хүтэлбэрилэгшэ байһан Сандак Базарович Жаргаловай дурасхаалда зориулагдажа, Зэдын аймагта үнгэргэдэхөөр хараалагдаба.

Б-М. ЖИГЖИТОВ. ЗУРАГУУД ДЭЭРЭ: респорткомитедэй түрүүлэгшэ С. В. Мантуров амаршалжа байна; парадые командалагша Баяр Дашибальжиров; бүхэ барилдаагаар түгэсхэлэй уулзалга; Зэдын аймагай команда; соёлой эдбхитэн Даша-Доржо Базаров амаршалгын дуу гүйсэхдэнэ. Ц. ЦЫРЕНЖАПОВАЙ фото.





### БУЯН ҮЙЛЭДЭГШЭД ОЛДОХО ААЛАМ?

Майн түгэсэжэ байхада, "Грация" гэжэ нэрлэгдэнэн балетнэ хургуулин тоосоото наадан хореографическа училищин байшан соо болоо нэн. Энэ хургуулин хүтэлбэрлэгшэ Доржи Васильевич Дугаржапов юм. Тэрэ хадаа Россин хатарай академи (ГИТИС) дүүргэжэ ерээд, бэлигтэй бэрхэ багшанарые суглуулан бүридүүлээ. Тэдэн хэд бэ гэдэл, Саха-Яхадый соёл болбосоролой отличник Н.А. Абыкова, Буряад Республикын арадай артист В.Г. Андреев, Зүүн Сибирийн гүрэнэй соёлой институт дүүргэжэн Б.Ц. Саганов, Россин Федерациин арадай хуралсалай отличник О.Д. Окунева гэгшэд болоно.

Энэ хургуулин хурагшад наһанайнгаа илгаагаар гурбан бүлэг болгогдонхой. Бүлэг бүхэнэй хурагшад классическа болон мүнөөнэй хатарта хурадаг, гимнастика хэдэг.

Энэ хургуулида "М.Саган" гэжэ эстрадна бүлэг эмхидхэгдэнхэй. Ахалагша бүлэгэй басагад эндэ ородог. Тэдэнэр "Шэшэрдэг", "Дэлхэйн хүүхэдэйнуүүд" гэнэн хатарнуудые харуулаа. Хүүгэдэй уран бүтээлэй хотын ордондо "Түрүүшын амжалта" гэнэн конкурсдо басагад "Дэлхэйн хүүхэдэйнуудые" харуулжа, 2-дохи нуури эзэлээ юм. Эдэ хатарнуудые Бато Саганов найруулан табья. Басагад тон сүлөөтэйгөөр, юунһээшье айнгүйгөөр хатарна.

Хатар нааданда гэхэ гү, али баледтэ наһанайнгаа 25 жэлые зорюулан Наталья Алексеевна Абыковада тэрэ үдэшэ шабинанын хүндэ ямба үзүүлээ нэн. Тэрэ хадаа 1971 ондо Улаан-Үдын хореографическа училищи дүүргэжэн, 1973 онһоо 1975 он болотор Ленинградта А.Я. Вагановагай нэрэмжэтэ хореографическа училищида стажировко гараад, Яхадта ажаллаа. Мүнөө хореографическа училищида багшала. Гимнастика заадаг ажалтай.

Н. А. Абыковагай эгээл бишыхай шабинан тон орёо упражненинүүдые хүнгэхэнөөр харуулжа шадаа. Зүгөөр имээр харуула болоторн багша тэдэнтэй найса ажаллаа гэшэ ааб даа.

Тэрэ үдэшэ сугларһан зондо хүүгэд олон хатар, тэрэ тоодо буряад хатар харуулаа. Мүн "Алтан түлхюурхэн" гэжэ бишыхан баледэй премьерэ болоно нэн. Эдэ бүгэдые Виктор Георгиевич Андреев табья юм. Энэ артист хоёрдохи "жэжэ" балет табиба гэшэ.

Хатарай образуудаар "бодомжолжо" шабинараа хургадагынь В. Г. Андреевэй онсо шадабари болоно. Карабас, Пьеро, Буратино, Мальвина гэгшэдэй дүрэнүүд манда хадуугдаа нэн. Герой бүхэн өөрын дүрэ шарайтай, абари зантай, сэдхэл бодолтой байна.

Зүгөөр хатарые гоёшоогоод, концертмейстертэ альгаяа ташахаяа мартадаг байнабди. Би Ольга Дмитриевна Окунева тухай хануулха гээ нэн. Энэ хүмнай балетмейстертэй хамта бүхы "хара" ажалыень хэлсэжэ гараһан байна бшуу.

Түгэсхэлэй тоосоото концертдэ Россин Федерациин искусствын габыята ажал ябуулагша Алла Георгиевна Батубаева үгэ хэлэхэдээ, "Грация" хургуулин бүхы багшанарай ажалые тэмдэглээ. Тиигэхэ зуураа В. Г. Андреевэй хүдэлмэриие илангаяа онсолно нэн.

Директор Е. Н. Тангановагай хэлэһэнэй ёһоор, энэ хургуулин үмэнэ гол шухала олон асуудал бии байна. Өһөдэйн байрагүй нэн хойноо арендын түлөө ехэ мүнгэн түлэгдэнэ. Магад, гэнтэ буян үйлэдэгшэд бии болоод, энэ хургуулиие гар дээрээ даажа абаха аалам?

**А. САНЖИЕВА,**  
композитор.



### ХҮГЖЭМЭЙ НУРГУУЛИДА

Тээмэндэ аймагай түб Хурамхаан тосхоной хүүгэдэй хүгжэмэй хургуулиндиректор Надежда Гармаеватай уулзажа, ажал хэрэгүүдээрнэ һонирхов хоёрэдэбб.

— Манай хургуулин фортепианын класста хамта дээрэ 40 хүүгэд, баянай—24, чанзын—22, ятагын—15, театральна класста 18 хүн нурана. Бархан болон Майск н у у р и н у д т а х и филиалуудаймнай хурагшад энэ тоодо оролсоно,— гэжэ Надежда Цыбеновна хоёрэнэ.

— Багшанар тухайгаа хоорт,— гэжэ гуйбаб.

— Х у р а м х а а н д а х и фортепианын класста Наталья Цыбеновна Жамсаранжапова, баянайхидань Татьяна Васильевна Корнакова, Майскда баян болон фортепианын хэшээлнүүдые Надежда Алексеевна Черная, Елена Геннадьевна Ласточкина гэгшэд заана. Чанза болон ятаг дээрэ хүүгэдые Дышигма Эрдниевна Бодиева, Алла Дамдиновна Раднаева, Барханда ятагаар Алена Ахадаевна Гуржабон наадуулжа хургана. Харин театральна хэшээлнүүдые Буряад Республикын соёлой габыята хүдэлмэрлэгшэ Баатар

Батоевич Чойнжуров хүтэлбэрлэн ябуулна. Мүн тиихэдэ теоретическэ предметээр хэшээлнүүдые Виктор Николаевич Молчанов хүтэлбэрлэн ябуулдаг,— гэжэ Надежда Гармаева хоороогөө үргэлжэлүүлэн, асуудалдам харюусаба.

хуралсалай энэ жэлдэ 12 хүн хүгжэмэй хургуули дүүргэжэ гараа. Тэрэ тоодо фортепианын класста лицей-интернадайд юүдэхэ класстай шаби Анатолий Очиров, дунда хургуулин арбан нэгдэхэ класстай Артур Доржиев, Майскда наймадахы класста хурадаг Наташа Козлова, Светлана Савельева, арбан нэгдэхэин Вера Лапшукова амжалтатайгаар дүүргэжэ.

Хурамхаанда баянай классые Регина Чойронова (8 класс), Эржена Рабданова, 9-дхи класста хурадаг Ольга Шакина, чанзын—юүдэхэин Цыпылма Базарова, ятагын класстие Туяана Раднаева, Насагмаа Урбашкеева, Алена Раднаева гэгшэд дүүргэжэ, үнэмшэлгэ абаа яһала баясуулаа.

Хурамхаан, Бархан, Майск тосхонуудтахи хүүгэдэй хүгжэмэй хургуулида тусгаар бэлдэхэлтэй багшанар хүдэлнэ гээд тэмдэглэлтэй.

Директорээр хүдэлдэг Надежда Гармаева "Буряад Республикын соёлой габыята хүдэлмэрлэгшэ" гэнэн нэрэ солотой. Энэ нүхэрнай хүгжэмэй училищи, удаань Зүүн Сибирийн соёлой институт дүүргэжэн намтартай. Хирэ-хирэ болоод, тэрэнэй гүйсэдхэһэн дуунууд республикын радиогоор эзэлдэжэ байдаг.

— Манай хургуулин бүхы багшанар тусгаар бэлдэхэлтэй юм. Елена Геннадьевна Ласточкина гэшээмнай манай хургуулин шаби ябаһан. Хүүдээрнэ хүгжэмэй училищда Зүүн Сибирийн соёлой дээдэй хургуули дүүргэжэ ерэнхэй,— гэжэ Надежда Гармаева хоёрэнэ.

Хүүгэдэй хүгжэмэй хургуули дүүргэжэ гараһан Татьяна Агафонова, Жаргал Цыбыков, Татьяна Гармаева, Цыпылма Бадмаева, Любовь Гатапова гэгшэд Улаан-Үдын хүгжэмэй колледж, соёлой болон искусствын академидэ хуража, тусгаар бэлдэхэлтэй боложо байна.

**Г. БАДМАЕВ,**  
манай корр.  
ЗУРАГ ДЭЭРЭ (зүүн гарһаал: багшанар Надежда Гармаева, Дышигма Бодиева, Наталья Жамсаранжапова гэгшэд. Автрай фото.

#### СМОЛЕНСКДЭ ХЭБЛЭГДЭБЭ

Округой наһажаал багша, үхибүүдэй уран зохёолно Бама-Базар Намсараевай зохёолон онтохонуудай шэнэ суглуудари Смоленск хотын полиграфическа комбинатта хэблэгдэн гараба. Энэ ном соо хори гаран зохёолнууд оронхой юм. Тэрэниие Буряад Республикын Эрдэм хуралсалай министрство тухай захил хэжэ, 3 мянган хэһэгээр бүтээлэгдэн байна. Буряад Республикын, Агын болон Усть-Ордын автономито округуудай хургуулинуудта энэ ном хубаарилгадад, бага классуудай хурагшадта буряад литература шудалха туһаламжа боложо үгэхэ юм.

Б.Б. Намсараев—табан номой автор. Шүлэг, үгүүлэл, онтохонуудые зохёоһоор мүнөө зандаа. Наһараа хэһэн хэрэгээ үшөөл үргэлжэлүүлээр.

**Ц. ГОНГОРОВ.**

Хайрата хүбүүд  
**БАЯР болон ТИМУРАЙНЬ**  
гэнэ усалда орожо, наһа бараһан ушараар Шэтын можоһоо ба Агын тойрогһоо уг гарбалтай, Улаан-Үдэдэ ажаһуудаг хүнүүдэй "Алхана" эблээй зүблэл Буряад Республикын эрдэм хуралсалай. дээдэ хургуулин ба эрдэм ухаанай эмхи зургаануудай хэрэгүүдэй талаар министр С. Д. Намсараевта, тэрэнэй гэр бүлэдэ, түрэл гараалда гүнзэги шаналад гашуудалаа мэдүүлэнэ.

Хайрата хүбүүд  
**БАЯР болон ТИМУРАЙНЬ**  
гэнтын аюул усалда орожо, наһа бараһан ушараар түрэлхидын, нүхэдын, нотагайхидын Намсараевтанай бүлэдэ гүнзэги шаналал гашуудалаа мэдүүлэнэ.

### Эмхидхэн байгуулагшад - Буряад Республикын Президент, Арадай Хурал болон Правительство

<p><b>Редактор А. Л. АНГАРХАЕВ.</b></p> <p>РЕДАКЦИОННО КОЛЛЕГИ: РИНЧИНОВ С. Д. (редакторай орлогшо), ЖНЖИТОВ Б.М.Ж. (харюусалгата секретарь), ГАРМАЕВ Р.Б. (Буряад Республикын Президентын ба Правительствоын аппарат), СУНДАРОН Д. Д. (Буряад Республикын Арадай Хурал), таһагуудые даагшад: ДАШЕЕВА Г.Х., ДОНДОГОЙ Ц.Ц., ОЧИРОВ С. Д., САМБЯЛОВА Т. В., ПИНТАЕВ В.И. (хэблэлэй директор).</p>	<p><b>Манай адрес:</b></p> <p>670000, Улаан-Үдэ, Каландаришвилиин үйис, 23. "Буряад үнэн" газетын редакци.</p>	<p>Газетэ хэблэлэй 2 хууданан хэмжээтэй. Индекс 50901. Хэһэг 4170. Хэблэлдэ тушаагдаһан саг 17.00.</p>	<p>"Республиканска типографи" гэнэн АО-до газетэ хэблэгдэ. Директорейн телефон: 2-40-45. Б-0079-дхи номертойгоор бүридхэлдэ абтанхай. Заказ № 7786.</p>
-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	----------------------------------------------------------------------------------------------------------------	--------------------------------------------------------------------------------------------------------	---------------------------------------------------------------------------------------------------------------------------------------------------------

Редакциин телефонууд: редакторай - 2-50-96, приёмнын - 2-54-54, редакторай орлогшын - 2-68-08, харюусалгата секретарин - 2-50-52, секретариатай - 2-62-62, таһагууд: шийгэн политическэ - 2-55-97 (даагшань), 2-61-35, 2-56-23, социально-экономическа - 2-64-36 (даагшань), 2-63-86, 2-61-35, 2-67-81, соёлой, эрдэмэй болон хургуулинуудай - 2-60-21 (даагшань) 2-57-63, олонийтын хүдэлмэринин ба мэдээсэлэй - 2-54-93 (даагшань), 2-34-05, 2-69-58; оршуулгын - 2-67-81; корректорүүдэй - 2-33-61, компьютерна түбэй - 2-66-76. Манай корреспондентнүүд: Агинскда - 3-42-19; Закаменскда - 30-61. "Бурятия" хэблэлэй телефонууд: директор - 2-49-94, бухгалтери - 2-23-67, вахта - 2-35-95.